

**FRAMKVÆMDARREGLUGERÐ FRAMKVÆMDASTJÓRNARINNAR
(ESB) 2018/1587****2019/EES/15/32****frá 22. október 2018****um að afturkalla tilnefningu Istituto Superiore di Sanità, Róm, Ítalíu, sem tilvísunarrannsóknarstofu í Evrópu fyrir þær efnaleifar sem eru tilgreindar í c-lið 3. liðar í B-flokki í I. viðauka við tilskipun ráðsins 96/23/EB (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) 2017/625 frá 15. mars 2017 um opinbert eftirlit og aðra opinbera starfsemi sem miðar að því að tryggja að lögum um matvæli og fóður og reglum um heilbrigði og velferð dýra, plöntuheilbrigði og plöntuverndarvörur sé beitt og um breytingu á reglugerðum Evrópuþingsins og ráðsins (EB) nr. 999/2001, (EB) nr. 396/2005, (EB) nr. 1069/2009, (EB) nr. 1107/2009, (ESB) nr. 1151/2012, (ESB) nr. 652/2014, (ESB) 2016/429 og (ESB) 2016/2031, reglugerðum ráðsins (EB) nr. 1/2005 og (EB) nr. 1099/2009 og tilskipunum ráðsins 98/58/EB, 1999/74/EB, 2007/43/EB, 2008/119/EB og 2008/120/EB og um niðurfellingu á reglugerðum Evrópuþingsins og ráðsins (EB) nr. 854/2004 og (EB) nr. 882/2004, tilskipunum ráðsins 89/608/EBE, 89/662/EBE, 90/425/EBE, 91/496/EBE, 96/23/EB, 96/93/EB og 97/78/EB og ákvörðun ráðsins 92/438/EBE (reglugerð um opinbert eftirlit) ⁽¹⁾, einkum 1. mgr. 93. gr.,

og að teknu tilliti til eftirfarandi:

- 1) Istituto Superiore di Sanità í Róm er tilgreind í d-lið 12. liðar í I. hluta VII. viðauka við reglugerð Evrópuþingsins og ráðsins (EB) nr. 822/2004 ⁽²⁾ sem tilnefnd tilvísunarrannsóknarstofa Evrópusambandsins (hér á eftir nefnd tilvísunarrannsóknarstofa ESB) fyrir þær efnaleifar sem eru tilgreindar í c-lið 3. liðar í B-flokki í I. viðauka við tilskipun ráðsins 96/23/EB ⁽³⁾.
- 2) Með reglugerð (ESB) 2017/625 er reglugerð (EB) nr. 882/2004 felld úr gildi og settar fram nýjar reglur um opinbert eftirlit, þ.m.t. um að koma á fót og tilnefna tilvísunarrannsóknarstofur ESB. Í 3. mgr. 92. gr. reglugerðar (ESB) 2017/625 er kveðið á um að framkvæmdastjórnin skuli endurskoða reglulega umboð og rekstur tilvísunarrannsóknarstofa ESB.
- 3) Þar eð rétt þótti að sameina starfsemi tilvísunarrannsóknarstofa ESB varðandi frumefni og köfnunarefnissambönd í matvælum úr plöntu- og dýraríkinu í eina tilvísunarrannsóknarstofu ESB, með reglugerð framkvæmdastjórnarinnar (ESB) 2018/192 ⁽⁴⁾, var Fødevareinstituttet, Danmarks Tekniske Universitet, í Kaupmannahöfn í Danmörku, tilnefnd sem tilvísunarrannsóknarstofa ESB fyrir rannsóknir á málum og köfnunarefnissamböndum í fóðri og matvælum. Þar eð starfsemi þessarar tilvísunarrannsóknarstofu ESB skarast við starfsemi tilvísunarrannsóknarstofu ESB fyrir þær efnaleifar sem eru tilgreindar í c-lið 3. liðar í B-flokki í I. viðauka við tilskipun 96/23/EB bera nú tvær tilvísunarrannsóknarstofur ESB ábyrgð á greiningu frumefna í matvælum úr dýraríkinu. Því ætti að afturkalla tilnefningu Istituto Superiore di Sanità, Róm, Ítalíu sem tilvísunarrannsóknarstofu ESB fyrir þær efnaleifar sem eru tilgreindar í c-lið 3. liðar í B-flokki í I. viðauka við tilskipun 96/23/EB. Breyta ætti I. hluta VII. viðauka við reglugerð (EB) nr. 882/2004 til samræmis við það.
- 4) Þar eð framkvæmdastjórnin samþykkti vinnuáætlun Istituto Superiore di Sanità í Róm frá 1. janúar 2018 til 31. desember 2018 og veittur var styrkur fyrir þá starfsemi ætti þessi reglugerð að koma til framkvæmda þegar því starfstímabili er lokið.
- 5) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

(*) Þessi ESB-gerð birtist í Stjtið. ESB L 264, 23.10.2018, bls. 20. Hennar var getið í ákvörðun sameiginlegu EES-nefndarinnar nr. 4/2019 frá 8. febrúar 2019 um breytingu á I. viðauka (Heilbrigði dýra og plantna) og II. viðauka (Tæknilegar reglugerðir, staðlar, prófanir og vottun) við EES-samninginn (bíður birtingar).

(1) Stjtið. ESB L 95, 7.4.2017, bls. 1.

(2) Reglugerð Evrópuþingsins og ráðsins (EB) nr. 882/2004 frá 29. apríl 2004 um opinbert eftirlit til að staðfesta að lög um fóður og matvæli og reglur um heilbrigði og velferð dýra séu virt (Stjtið. ESB L 165, 30.4.2004, bls. 1).

(3) Tilskipun ráðsins 96/23/EB frá 29. apríl 1996 um ráðstafanir til eftirlits með tilteknum efnum og leifum þeirra í lifandi dýrum og dýraafurðum og um niðurfellingu á tilskipunum 85/358/EBE og 86/469/EBE og ákvörðunum 89/187/EBE og 91/664/EBE (Stjtið. EB L 125, 23.5.1996, bls. 10).

(4) Reglugerð framkvæmdastjórnarinnar (ESB) 2018/192 frá 8. febrúar 2018 um breytingu á VII. viðauka við reglugerð Evrópuþingsins og ráðsins (EB) nr. 882/2004 að því er varðar tilvísunarrannsóknarstofur ESB á sviði aðskotaefna í fóðri og matvælum (Stjtið. ESB L 36, 9.2.2018, bls. 15).

SAMÞYKKT REGLUGERÐ ÞESSA:

1. gr.

Tilnefning Istituto Superiore di Sanità, Róm, Ítalíu, sem tilvísunarrannsóknarstofa ESB fyrir þær efnaleifar sem eru tilgreindar í c-lið 3. liðar í B-flokki í I. viðauka við tilskipun 96/23/EB er afturkölluð.

Í I. hluta VII. viðauka við reglugerð (EB) nr. 882/2004 falli d-liður 12. liðar brott.

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 1. janúar 2019.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 22. október 2018.

Fyrir hönd framkvæmdastjórnarinnar,

Jean-Claude JUNCKER

forseti.
